

程



舊五代史卷十六

宋司空同中書門下平章事薛居正等

撰

列傳第六

梁書十六

葛從周字通美濮州鄆城人也曾祖阮祖遇賢父簡累  
 贈兵部尚書從周少豁達有智畧初入黃巢軍漸至軍  
 校唐中和四年三月太祖大破巢軍於王滿渡從周與  
 霍存張歸霸兄弟相率來降七月從太祖屯兵于西華  
 破蔡賊王夏寨太祖臨陣馬蹶賊衆來追甚急從周扶  
 太祖上馬與賊軍格鬪傷面矢中於肱身被數槍奮命  
 以衛太祖賴張延壽迴馬轉鬪從周與太祖俱免退軍



澱水諸將並削職唯擢從周延壽為大校其後入長葛  
 靈井大敗蔡賊至斤溝泚河殺鐵林三千人獲九寨都  
 虞候王涓太祖遣郭言募兵于陝州有黃花子賊據于  
 溫谷從周擊破之又破秦賢之衆于滎陽尋佐朱珍收  
 兵于淄青間時兗州齊克讓軍于任城從周敗之擒其  
 將呂全真淄人不受制復與之戰獲其驍將鞏約會青  
 州以步騎萬餘人列三寨于金嶺以阨要害從周與朱  
 珍大殲其衆擄其將楊昭範五人而還至大梁不解甲  
 徑至板橋擊蔡賊破盧瑋寨瑋自溺而死又于赤堋殺  
 蔡軍二萬餘人從討謝殷于亳州擒之迴襲曹州擄刺

史丘弘禮以歸與兗郟軍遇于臨濮之劉橋殺數萬人  
 朱瑄朱瑾僅以身免擒都將鄒務卿以下五十人從太  
 祖攻范縣復與朱瑄戰虜尹萬榮等三人遂平濮州未  
 幾與朱珍擊蔡賊於陳濮間獲都將石璠文德元年魏  
 博軍亂樂從訓來告急從太祖渡河拔滎陽李固臨河  
 等鎮至內黃破魏軍萬餘衆獲其將周儒等十人李罕  
 之引并人圍張全義於河陽從周與丁會張存敬牛存  
 節率兵赴援大破并軍殺蕃漢二萬人解河陽之圍以  
 功表授檢校工部尚書從朱珍討徐州拔豐縣敗時溥  
 于吳康得其輜重加檢校刑部尚書佐龐師古討孫儒



周

魏經樓

於淮南畧地至廬壽滁等州下天長高郵破邵伯堰迴  
 軍攻濠州殺刺史魏勳得餉船十艘大順元年八月并  
 即圍潞州太祖遣從州率敢死之士夜銜枚犯圍而入  
 會王師不利于馬牢川即棄上黨而歸其年十二月與  
 丁會諸將討魏州連收十邑明年正月大破魏軍於永  
 定橋魏軍五敗斬首萬餘級十月佐丁會攻宿州從周  
 壅水灌其城刺史張筠以郡降從討兗州破朱瑾之軍  
 於馬溝景福二年二月與諸將大破徐兗之兵於石佛  
 山八月與龐師古同攻兗州乾寧元年三月軍至新秦  
 縣朱瑾令都將張約李胡椒率三千人來拒戰師古遣

從周張存敬掩襲生擒張約李胡椒等都將數十人二  
 年十月圍兗州兗人不出從周詐揚言并人鄆人來救

案通鑑十二月朱瑾告急于魏以救之是河東實遣  
 史儼李承嗣將數千騎假道于魏以救之是河東實遣  
 救河東非從周詐言也此益現知兗人告急乘并師尚  
 未至乃揚言也至多方以誤之耳又本紀作十二月此  
 作十月解即引軍趨高吳夜半却潛歸寨朱瑾果出兵  
 正見本紀

攻外壕我軍士突出掩殺千餘人生擒都將孫漢筠從  
 周累立戰功自懷州刺史歷曹宿二州刺史累遷檢校  
 左僕射三年五月并帥以大軍侵魏遣其子落落率二  
 十騎屯洹水從周以馬步二千人擊之殺戮殆盡擒落  
 落于陣并帥號泣而去遂自洹水與龐師古渡河擊鄆



四年正月下之從周乘勝伐兗會朱瑾出師在徐境其

玉堂閒話云葛侍中鎮兗之曰威名著于敵中河北諺曰山東一條黃龍無事莫除根

班師案九國志侯瓚傳云破葛從周于壽陽沈其志

化元年四月率師經畧山東時并帥以大軍屯邢洺從

周至鉅鹿與并軍遇大破之并帥遁走我軍追襲至青

山口數日之內邢洺磁三州連下斬首二萬級獲其將

吏一百五十人即以從周兼領邢州留後十月復破并

軍五千騎子張公橋晉將李嗣昭急攻邢州陣于城門

外從周大破之擒蕃將賁金鐵慕容騰百餘人二年春

于

郟 字文此郟字不誤

幽州劉仁恭率軍十萬寇魏州屠貝郡從周自邢臺馳

入魏州燕軍突上水關攻館陶門從周與賀德倫率五

百騎出戰謂門者曰前有敵不可返顧命閤其門從周

等極力死戰大敗燕人擒都將薛安厥王郟郎等翊日

破其八寨追擊至臨清劉仁恭走滄州從周授宣義軍

行軍司馬五月并人討李罕之于潞州太祖以丁會代

罕之今從周馳入上黨七月并人陷澤州太祖召從周

令賀德倫守潞州德倫等尋棄城而歸三年四月領軍

討滄州先攻德州下之及進攻浮陽幽州劉仁恭大舉

來援時都監蔣玄暉謂諸將曰吾王命我獲軍志在攻



四年正月下之從周乘勝伐兗會朱瑾出師在徐境其將康懷英以城降以功授兗州留後檢校司空復領兵萬餘人渡淮討楊行密至濠州聞龐師古清口之敗遽班師案九國志侯瓚傳云破葛從周于壽陽沈其卒光化元年四月率師經畧山東時并帥以大軍屯邢洛從周至鉅鹿與并軍遇大破之并帥遁走我軍追襲至青山口數日之內邢洛磁三州連下斬首二萬級獲其將吏一百五十人即以從周兼領邢州留後十月復破并軍五千騎子張公橋晉將李嗣昭急攻邢州陣于城門外從周大破之擒蕃將貴金鐵慕容騰百餘人二年春

于

鄒  
字文此鄒  
 字不誤

幽州劉仁恭率軍十萬寇魏州屠貝郡從周自邢臺馳入魏州燕軍突上水關攻館陶門從周與賀德倫率五百騎出戰謂門者曰前有敵不可返顧命閤其門從周等極力死戰大敗燕人擒都將薛安厥王鄒郎等翊日破其八寨追擊至臨清劉仁恭走滄州從周授宣義軍行軍司馬五月并人討李罕之于潞州太祖以丁會代罕之今從周馳入上黨七月并人陷澤州太祖召從周令賀德倫守潞州德倫等尋棄城而歸三年四月領軍討滄州先攻德州下之及進攻浮陽幽州劉仁恭大舉來援時都監蔣玄暉謂諸將曰吾王命我獲軍志在攻



取今燕帥來赴不可外戰當繼其入壁聚食困虜力屈  
糧盡不可取也從周對曰兵在機機在上將非督護所  
言也乃令張存敬氏叔琮守其寨從周逆戰于乾寧軍  
老鵝堤大破燕軍斬首三萬獲將佐馬慎交已下百餘  
人奪馬三千匹八月并人攻洛邢從太祖破之從周追  
襲至青山口斬首五千級獲其將王邵郎楊師悅等得  
馬千匹表授檢校太保兼徐州兩使留後尋為兗州節  
度使天復元年三月與氏叔琮討太原從周以兗鄆之  
衆自土門路入與諸軍會於晉陽城下以糧運不給班  
師頃之從周染疾會青州將劉鄩陷兗州太祖命討之

遂力疾臨戎三年十一月鄩舉城降以功授檢校太傅  
太祖以後周抱疾既久命康懷英代之授左金吾上將  
軍以夙恙不任朝謁改右衛上將軍致仕養疾偃師縣  
毫邑鄉之別墅頃之授太子太傅依前致仕末帝即位  
制授潞州節度使令坐食其俸加開府儀同三司檢校  
太師兼侍中封陳留郡王累食邑至七千戶命近至臣  
齎旌節就墅以賜之貞明初卒于家冊贈太尉

萬一千二百九

永樂大典卷二

謝彥章許州人幼事從周為養父從周憐其敏慧教以  
兵法常以千錢于大盤中布其行陣偏伍之狀示以出



後進退之節彥章盡得其訣及壯事太祖為騎將末帝  
嗣位用為兩京馬軍都軍使累與晉軍接戰有功尋領  
河陽節度使及從周卒臨喪行服躬預葬事時人義之  
彥章後為許州節度使檢校太傅貞明四年冬滑州節  
度使賀瓌為北面招討使彥章為排陣使同領大軍駐  
於行臺寨與晉人對壘彥章時領騎軍與之挑戰晉人  
或望我軍行陣整肅則相謂曰必兩京太傅在此也不  
敢以名呼其為敵人所憚如此是時咸謂賀瓌能將步  
軍彥章能領騎者既名聲相軋故瓌心忌之一日與瓌  
同設伏于郊外瓌指一方地謂彥章曰此地岡阜隆起

中央坦夷好列柵之所尋而晉人舍之故瓌疑彥章與  
晉人通又瓌欲速戰彥章欲持重以老敵人瓌益疑之  
會為行營馬步都虞候朱珪所誣珪遂與瓌協謀因享  
士伏甲以殺彥章及濮州刺史孟審澄別將侯溫裕等  
于軍以謀叛聞晉王聞之喜曰彼將帥如是亡無日矣  
審澄溫裕亦善將騎軍然所領不過三千騎多而益辨  
唯彥章有焉將畧之外好優禮儒士與晉人對壘于河  
上恒褒衣博帶動皆由禮或臨敵御衆則肅然有上將  
之威每敦陣整旅左旋右抽雖風馳雨驟亦無以喻其  
迅疾也故當時騎士咸樂為用及其遇害人皆惜之

永樂



大典卷一萬八千一百二十六

胡真江陵人也體貌洪壯長七尺善騎射少為縣吏及

在巢寇中寇推為名將隨巢涉淮浙陷許洛入長安及

太祖以眾歸唐時真為元從都將案舊唐書中和二年

瞳來降通鑑云温見巢兵勢日蹙知其將亡親將胡真

謝瞳勸温歸國薛史謝瞳傳載瞳說温之辭胡真傳不

言其勸温歸國與通鑑異從至梁苑表授檢校刑部尚書頻從破巢

蔡于陳鄭間尋以奇兵襲取滑州乃署為滑州節度留

後復表為鄭滑節度使檢校右僕射數年徵為右金吾

衛大將軍俄拜寧遠軍節度使容州刺史檢校太保卒

贈太傅永樂大典卷一萬八千一百二十六

張歸霸字正臣清河人祖進言陽穀令父實亦有宦績

少倜儻好兵術唐乾符中寇盜蜂起歸霸率昆弟三人

棄家投黃巢頗以勇畧聞巢陷長安遂署為左番功臣

中和中巢領徒走宛丘時太祖在汴奉詔南討巢黨日

窘歸霸昆仲與葛從周李謹等相率來降尋補宣武軍

劇職光啟二年與蔡將張存戰于盧氏三年夏又與蔡

將盧瑋戰于商丘復與秦宗賢戰于萬勝皆敗而殲之

翌日宗權遣將張晳來寇列寨於赤岫一日出騎將較

勝歸霸為飛戈所中飛戈歐陽史作飛矢即拔馬却逸控弦一發

即洞頸而墜遂兼騎而還太祖時于高丘下瞰備見其



狀面加賞激厚以金帛及所獲馬錫之又嘗被命以控  
弦之士五百人伏于壕內太祖統數百騎稍逼其寨蔡  
人果以銳士摩壘來追歸霸發伏兵掩殺千餘人奪馬  
數十匹尋奏授檢校左散騎常侍其後從太祖伐鄆副  
李唐賓渡淮咸著奇績文德初大軍臨蔡州賊將蕭顯  
來斫寨歸霸與徐懷王<sup>各</sup>以所領兵自東南二扉分出  
合勢殺賊蔡人大敗及太祖整衆離營寇塵已息太祖  
召至賞之曰昔耿弇不俟光武擊張步言不以賊遺君  
父弇之功爾其二焉大順中郭紹賓拔曹州歸霸率兵  
數十守之俄而朱瑾統大軍自至歸霸與丁會逆擊之

於金鄉瑾大敗擒賊將宗江等七十餘人曹州以寧明  
年破濮州生擒刺史邵儒又佐葛從周與晉軍戰於洹  
水生獲克用愛子落落復與燕人戰於內黃殺仁恭兵  
三萬餘衆戎績超特居諸將之右累官至檢校左僕射  
光化二年權知邢州事明年春李嗣昭以蕃漢五萬來  
寇歸霸堅壁設備晉軍不敢顧其城遂移軍攻洺州陷  
焉時大祖在滑頗慮邢之失守及葛從周復洺嗣昭北  
遁歸霸出兵襲之殺二萬餘衆捷至賞卹殊等旋以功  
奏加檢校司空天祐初遷萊州刺史秩滿授左衛上將  
軍又除曹州刺史其秋加檢校司徒副劉知俊禦邠鳳



之寇敗之太祖受禪拜右龍虎統軍改左驍衛上將軍  
 充河陽諸軍都指揮使明年夏六月就除河陽節度使  
 檢校太保尋加同平章事二年秋七月卒於位詔贈太  
 傅梁末帝德妃張氏即歸霸女也末帝嗣位以歸霸子  
 漢昂漢傑並為近職漢昂早亡漢傑貞明中為控鶴指  
 揮使領兵討憲王于陳州擒之當貞明龍德之際漢傑  
 昆仲分掌權要藩鎮除拜多出其門段凝因之遂竊兵  
 柄及莊宗入汴漢傑與兄漢倫弟漢融同日族誅於汴  
 橋下永樂大典卷六  
 千三百五十一  
 張歸厚字德坤案通鑑考異引梁功臣列傳云歸厚祖  
 興父處讓薛史歸厚傳不言其父祖名

號當是歸  
 霸從弟少驍勇有機畧尤長於弓槊之用中和末與  
 兄歸霸自巢軍相率來降太祖署為軍校時淮西兵力  
 方壯太祖之師尚寡歸厚以少擊衆往無不捷光啓三  
 年春與秦宗賢戰於萬勝大破之其夏蔡將張晔以數  
 萬衆屯於赤岫歸厚嘗與晔鬪於陣晔不能支而奔師  
 徒乘此大捷太祖大悅立署為騎軍長仍以歸馬器幣  
 錫之及佐朱珍討時溥寨于豐蕭之間歸厚仍徐壘如  
 行坦途甚為諸將歎伏龍紀初奏遷檢校工部尚書其  
 年冬復伐徐歸厚以偏師徑進至九里山下與徐兵遇  
 時我之叛將陳璠在賊陣中歸厚忽見之因瞋目大罵



單馬直往期於必取會飛矢中左目而退徐戎甚衆莫敢追之大順元年奏加檢校兵部尚書又命統親軍是歲柳王遷寨未知所往忽逢兗鄆賊寇甚衆太祖亟登道左高阜以觀之命歸厚領所部廳子馬直突之出沒二十餘合賊大敗將北而救軍雲至歸厚即綴賊苦戰請太祖以數十騎先還時歸厚所乘馬中流矢而踏乃持槊步鬪漸退賊不敢逼太祖至寨亟命張筠劉聚飛騎來迎然謂已歿矣歸厚體被二十餘箭尚復拒戰筠等既至賊解乃歸太祖見之撫背泣曰下曰得歸厚身全縱廣喪戎馬何足計乎便令肩輿歸汴日降問賚恩

儒

旨甚厚尋遷中軍指揮使景福初從太祖伐鄆帝軍不利太祖為寇所逼歸厚殿馬翼衝左右馳射矢發如雨賊騎千百披靡而退明年與葛從周禦晉軍於洹水殊績尤著詔加檢校右僕射其後討滄州復洺州咸以功聞太祖錄其勲命權知洺州事是郡嘗兩為晉水人所陷井邑蕭條歸厚撫之數月之內民庶翕然太祖自鎮定遷觀其緝理之政大喜賞之天復元年冬真拜洺州刺史加檢校右僕射尋授絳州刺史三年秋改晉州刺史仍檢校司空唐帝遷都洛陽除右神武統軍天祐二年改左羽林統軍與徐懷玉同守澤時晉軍五萬來攻



郡中戎士甚寡歸厚竭力拒守并軍乃還太祖受禪加  
檢校司空開平二年夏劉知俊以同州叛歸厚副楊師  
厚劉鄩等討平之秋軍還授亳州團練使乾化元年拜  
鎮國軍節度使陝虢等州觀察處置等使明年夏以疾  
卒於位詔贈太師子漢卿永樂大典卷一萬  
八千一百二十六  
張歸弁字從冕始與兄歸霸歸厚同歸於太祖得署為  
牙校時太祖初鎮宣武屢命歸弁結好於近境頗得行  
人之儀乾寧中以偏師佐葛從周禦并軍於洹水光啟  
中又佐張存敬與燕人戰于內黃積前後功表授檢校  
工部尚書大順初攻討兗鄆命歸弁佐衛王諱友弼單

父軍聲甚振尋為齊州指揮使屬青帥王師範叛遣將  
詐為賈人挽車數十乘匿兵器於其中將謀竊發歸弁  
察而擒之州城以寧明年春青寇大舉來伐州兵既寡  
民意頗搖有本郡都將康文爽等三人欲謀外應即時  
擒獲誅之人心遂定歸弁又罄發私帑賞給士伍青人  
遂遁青州平超加檢校右僕射遙領愛州刺史從征荆  
襄迴轉檢校右僕射天祐三年春太祖入魏誅牙軍魏  
之郡邑多叛歸弁與諸將等分布攻討封境悉平而歸  
弁於高唐攻賊太猛飛矢中於臆太祖嘉之命賜鞍勒  
馬一匹金帶一條夏五月命權知晉州冬十一月真授



晉州刺史加檢校司空太祖受禪改滑州長劍指揮使  
開平二年秋九月并軍圍平陽詔歸并統兵救之軍至  
解其圍加檢校司徒三年春三月寢疾卒於滑州之私

第子漢融永樂大典卷六千五百五十

史臣曰從周以驍武之才事雄猜之主而能取功名於  
馬上啟手足於牖下靜而言之斯為賢矣考音蔚有將  
才死於諛口身既歿矣國亦隨之惜哉歸霸昆仲皆脫  
身於巨盜之流宣力於興王之運由介冑而析圭爵可  
不謂壯夫歟永樂大典卷六千三百五十

舊五代史卷十七

宋司空同中書門下平章事薛居正等撰

列傳第七

梁書十七

成汭淮西人少年任俠乘醉人為讎家所捕因落髮

為僧冒姓郭氏案新唐書云入蔡賊中為賊帥假子更姓名為郭禹亡匿久之及

貴方復本姓永樂大典卷一萬八千八百二十唐僖宗朝為蔡州軍校

領本郡兵戍荆南帥以其兇暴欲害之遂棄本軍奔於

种歸一夕巨蛇繞其身幾至於殞乃祝曰苟有所負死

生惟命遂巡蛇亦解去後據歸州招輯流亡練士伍得

兵千餘人公流以襲荆南遂據其地朝廷即以旄鉞授



之永樂大典卷五是時荆州經巨盜之後居民才一十

七家永樂大典卷五納撫輯凋殘勵精為理通商訓農勤於惠養比及

末年僅外萬戶永樂大典卷一十七納性豪暴事皆意斷

又好自矜伐驕辯凌人深為識者所鄙永樂大典卷八

初澧朗二州本屬荆南乾寧中為土豪雷滿所據納奏

請割隸唐宰相徐彥若執而不行納由是銜之及彥若

出鎮南海路過江陵納雖加延接而猶怏怏嘗因對酒

語及其事彥若曰令公位尊方面自比桓文雷滿者偏

州一草賊爾令公何不加兵而反怨朝廷乎納赧然而

屈永樂大典卷二十八累官至檢校太尉封上谷郡王楊

行密以兵圍鄂州納出師以援鄂淮寇乘之以火焚其

艦納投江而死天祐三年夏太祖以納沒于王事上表

於唐帝請為納立廟於荆門優詔可之永樂大典卷一

次如右案成納傳永樂大典闕全編今就散見六條篇

章長于箋奏成納鎮荆南辟為推官納嘗讎殺人懼為

吏所捕改姓郭氏及為荆南節度使命準為表乞歸本

姓準搜筆而成其畧云臣門非冠蓋家本軍戎親用之

內盱眙為人報怨昆弟之間點染無處求生背故國以

孤疑望鄰封而鼠竄名永樂大典越乘舟難效于陶朱志切

犯禁之辜敢歸云司寇別族受封之典誠愧諸侯代乞聖

慈許歸本姓云致禮幣之外仍賦初學記永樂大典交

以為不可謂使曰夫初學記永樂大典童之書記永樂大典今敵國交

聘以此書為見輕敵國足彰幕府之無人也參佐無狀



安可久遽請解職洎怒其去潛使人于途中殺之

杜洪者江夏伶人案新唐書洪鄂州人鍾傳者豫章小校案新唐書傳洪

州高唐光啟中秦宗權克焰颺起屢擾江淮郡將不能

城守洪傳各為部校因戰立威逐其廉使自稱留後朝

廷因而命之案新唐書光啟二年洪東虛入鄂自為節

傳逐江西觀察使高茂卿遂有洪州傳及為楊行密所

宗擢傳江西團練使俄拜鎮南節度使

攻洪傳首尾相應皆遣求援於太祖太祖遣朱友恭赴

之大破淮寇於武昌二鎮稍寧及行密乘勝急攻洪鄂

洪復乞師於太祖太祖命荆南成汭率荆襄州師以赴

之未至夏口汭敗溺死淮人遂陷鄂州洪為其所擒被

害於廣陵市時唐天復二年也案九國志劉存傳存急

突圍而出諸將欲急擊之存曰擊之賊必復入則其

城愈固矣不若聽其遁去諸將皆曰善是日城陷擒杜

洪父子斬天祐三年夏太祖表請為洪立廟于其鎮優

詔可之太祖即位詔贈太傅先是鍾傳卒於江西其子

繼之案九國志秦裴傳天祐三年洪州鍾傳卒州人立

其子匡時江州刺史延規傳之養子忽不得立以

其郡以納款因授裴西南面行營招討使攻匡時城陷擒

匡時以獻歐陽史米用九國志新唐書延規作匡範與

九國志尋為楊行密所敗其地亦入於淮夷永樂大典卷

五代史補鍾傳雖起於商賈尤好學重士時江西士流

有名第者多因傳薦四遠騰然謂之曰英明諸葛浩素

有詞學嘗為泗州管驛巡官仰傳之風因擇其所行事

赫赫可稱者數十條列於啟事以授之十啟凡五千字

皆文理典瞻傳覽之驚嘆謂賓佐曰此啟事每一字可

以千錢酬之遂以五千貫贈仍辟在幕下其激勸如此



鍾上藍和尚失其名居于洪州上藍院精究術數大為  
鐘傳所禮一旦疾篤往省之且曰老夫子和尚可謂無  
間矣和尚或不諱得無一言相付耶上藍強起索筆作  
偈以授其末云但看來年二三月柳條堪作打鐘槌揭  
終而卒傳得之不能測洎明年春淮帥引兵奄至  
洪州陷江南遂為楊氏有打鐘之偈人始悟焉

田頴本楊府之大校也案九國志廬州合肥人朱延壽不知

何許人案九國志延壽廬州舒城人與新唐書同唐天祐初楊行密據淮

海時頴為宣州節度使延壽為壽州刺史頴以行密專

恣跋扈嘗移書諷之曰侯王守方以奉天子古之制也

其或踰越者譬如百川不朝于海雖狂奔猛注澶漫遐

廣終為涸土不若恬然順流淼茫無窮也况東南之鎮

揚為大塵賤刀布阜積金玉願公上恒賦頴將悉儲時

具單車從行密怒曰今財賦之行必由於汴適足以資

於敵也不從時延壽方守壽春案九國志天復初北司

有武幹遣李儼間道齋直頴之事密遣人告於頴曰公

有所欲為者願為公執鞭頴聞之頗會其志乃召進士

杜荀鶴具述其意復語曰昌本朝奉盟主在斯一舉矣

即遣荀鶴具述密議自間梁至大梁太祖大悅遽屯兵

於宿州以會其變不數月事微踐行密乃先以公牒徵

延壽案新唐書行密妻延壽姊也遣辯士召延次悉兵

攻宣城頴戎力寡薄棄壁走不能越境為行密軍所得

道

案九國志行密別遣墨濛王茂章率步騎以往頴委年



道保苑陵壇建聞其敗因盡以舟師歸於外軍所殺延壽  
 十二月願出外州柵疾戰橋陷馬墜為外軍所殺延壽  
 飛騎赴命通揚州一舍行密使人殺之案九國志行密  
 刺殺之新唐書從九國志當得其寔薛史以為通揚州  
 一舍而見殺五代史補又以為行密自奮鐵鎚殺之疑  
 皆屬傳其後延壽部曲有逸境至者具言其事又云延  
 壽之將行也其室王氏勉延壽曰今若得兵柄果成大  
 志是吉凶繫乎時非繫於吾家也然願日致一介以寧  
 所懷一日介不至王氏曰事可知矣乃部分家僕悉授  
 兵器遽闔中扉而捕騎已至不得入遂集愛屬卓私帑  
 發百燦合州解焚之既而稽首上告曰妾誓不以皎然  
 之軀為讎者所辱乃投火而死永樂大典卷四十八百

據淮南以妻弟朱氏眾謂之朱三郎者行密署為泗州  
 防禦使泗州素心軍朱氏驍勇到任恃眾自負行密雖  
 悔度力未得能制但姑息之時議以為行密事勢去矣居  
 無何行密得疾難癒且詐稱失明其出入皆以人扶  
 策不爾則觸牆抵柱至於流血姬妾僕隸以為寔然往  
 往無禮首尾僅三年朱氏聞之信而少懈死行密度其  
 計必中謂妻曰吾不幸臨老而目如此男泗州三男來  
 諱則國家為他所不今晝夜思忖不如召泗州三男來  
 使營勾軍府事則吾雖死無恨妻以為然遂發使述其  
 意而召之朱氏大喜倍道而去及入謂行密恐其覺生  
 于中堂以擊之正中其首然有宛轉號叫久之而斃  
 中鐵鎚以擊之正中其首然有宛轉號叫久之而斃  
 密內外不測為朱三此賊今已擊殺兩目無事矣諸公  
 目失明者蓋為朱三此賊今已擊殺兩目無事矣諸公  
 知之否於是軍府大駭其僕妾嘗所無禮者皆自殺初  
 行密之在民間也嘗謂合肥縣手力有過縣令將鞭之  
 行密懼且拜會之覺客自外入見非常乃遽升廳揖令于他  
 皆叩地而令不覺客知其非行密每拜則廳令于他  
 處告以所見令驚駭怒且勸事郡儒等作亂行密連誅  
 郡不足以依乃投高駢駢死秦彥孫儒等作亂行密連誅

五 妻



之遂有淮  
南之地

趙匡凝

案新唐書匡凝作光儀

蔡州人也父德諲初事秦宗權為

列校當宗權強暴時表為襄州留後唐光啟四年夏六月德諲審宗權必敗乃舉漢南之地以歸唐朝仍遣使投分於太祖兼誓戮力同討宗權時太祖為蔡州四五行營都統使乃表德諲為副仍領襄州節度使蔡州平以功累加官爵封淮南王匡凝以父功為唐州刺史兼七州馬步軍都校及德諲卒匡凝自為襄州留後朝廷即以旄鉞授之作鎮數年甚有威惠累官至檢校太尉兼中書令匡凝氣貌甚偉好自修飾每整衣冠必使人

壩

持巨鑑前後照之對客之際烏巾上微覺有塵即令侍妓持紅拂以去之人有誤犯其家諱者往往遭其檀楚其方嚴也如是光化初匡凝以太祖有清口之敗密附于淮夷太祖遣氏叔琮率師伐之未幾其泌州刺史趙璠越壩來降隨州刺史趙匡璘臨陣就擒俄而康懷英攻下鄧州匡凝懼遣使乞盟太祖許之自是附庸于太祖及成汭敗于鄂州匡凝其表弟匡明為荆南留後時唐室微弱諸道常賦多不上供唯匡凝昆仲雖強據江上然盡忠帝室貢賦不絕太祖將期受禪以匡凝兄弟並據藩鎮乃遣使先諭旨焉匡凝對使者流涕答以受



國恩深豈敢隨時安有他志使者復命太祖大怒天祐  
二年秋七月遣楊師厚率師討之八月太祖親領大軍  
南征仍請削匡凝在身官爵及師厚濟江匡凝以兵數  
萬逆戰大為師厚所敗匡凝乃燔其舟車舸急棹泔漢  
而遁於金陵後卒于淮南案新唐書云師厚以兵二萬瀕  
伐木為梁匡凝以兵二萬瀕  
江戰大敗乃燔舟車舸夜奔揚州行密見之曰君在鎮  
輕車重馬輸于賊今敗乃歸我邪匡凝亦謀奔淮南子  
子承規諫曰昔諸葛兄弟分仕二國若適揚州是自取  
疑也匡凝明謂然乃趨成都歐陽史云行密厚遇匡凝其  
後行密死楊渥稍不禮之渥方宴食青梅匡凝顧渥曰  
勿多食發小兒熱諸將以為慢渥遣匡凝海陵後為徐  
溫所殺初匡凝好聚書及敗楊師厚獲數千卷于第悉以  
來獻匡凝弟匡明字贊堯幼以父貴一子出身為江陵

遺

府文學及壯以軍功歷繡峽二州刺史成汭之敗其兄  
匡凝表為荆南留後未至鎮而朗陵之兵先據其城矣  
匡明領兵逐之遂鎮于渚宮天祐二年秋太祖既平襄  
州遣楊師厚乘勝以趨荆門匡明懼乃舉族上峽奔蜀  
王建待以賓禮及建稱帝用為大理卿工部尚書久之

卒于蜀永樂大典卷十一萬  
六千九百九十一

張佖不知何郡人也案九國志佖京兆長安人乾寧初  
以明經中第累遷宣州從事復為

秦宗權行軍司馬後與劉唐乾寧初劉建峇據湖南獨  
建峇據湖南推建峇為帥唐乾寧初劉建峇據湖南獨

邵州不賓命都將馬殷討之期歲未尅而建峇為部下  
所殺軍亂隣寇且至是時佖為行軍司馬屬潭人謀帥



曰張行軍即所奉也信不得已而視事旬日之間威聲

大振寇亦解去案九國志建峯將吏推信為帥信將入

信謂將吏曰吾非汝主當迎馬公為之薛史異新唐書劉建峯傳從九國志乃謂將吏曰信

才能不如馬公况朝廷重藩非其人不可因以牘召殷

亦不疑稟命而至信受拜謁禮畢命升階讓殷為帥信

即趨下率眾怍賀乃自請率師代殷攻邵州下之復為

行軍司馬垂二十年殷果立大勲甚德信開平初殷表

信為朗州永順軍節度使加檢校太傅同平章事乾化

元年夏四月卒于位案九國志乾化初移鎮桂林卒于治所詔贈侍中

永樂大典卷六十三百五十

雷滿案新唐書武陵洞蠻也始為朗州小校唐廣明初

王仙芝焚劫江陵是時朝廷以高駢為節度使駢擢滿

為裨將以領蠻軍駢移鎮淮南復隸部曲以悍獷趨健

知名中和初擅率部兵自廣陵逃歸于朗公江恣殘暴

始為荆人大患矣率一歲中三四移兵入其郛焚蕩驅

掠而去唐朝始務息兵即以澧朗節度使授之案歐陽

殺刺史崔翥遂據朗州請命于唐昭宗以澧朗為武貞

軍拜滿為節度使新唐書則云詔授朗州兵馬留後進

武貞軍節度使與累官至檢校太傅案新唐書作同平

薛史微有互異章事滿貪穢慘毒蓋非人類又嘗於府署濬一深潭溝

大亭於其上每隣道使車經由以名譙于中且言此水



府也中有蛟龍奇怪萬態唯余能游焉或酒酣對客即  
取筵中寶器亂擲於潭中因自褫其衣裸露其文身遽  
躍入水底徧取所擲寶器戲弄於水面久之方出復整  
衣就座其詭誕如此及死子彥恭繼之案新唐書滿以天復元年卒子  
彥威自立弟彥恭結忠義蠻蠻狡獪深有父風燼墟落  
榜舟楫上下於南郡武昌之間殆無人矣又與淮蜀結  
連阻絕王命太祖詔湖南節度使馬殷荆南節度使高  
季昌練精兵五千遣將倪可福統之下澧州與潭兵合  
先是滿塹沅江以周其壘門臨長橋勢不可入殷極其  
兵力攻圍周歲彥恭食盡兵敗間使求救於淮夷及淮

攻

軍來援高季昌逆戰於治津馬頭岸大破之俄而恭陷

朗州彥恭單棹遁去

案通鑑考異引梁太祖是錄云彥恭沒溺于江通鑑從紀年錄作奔

廣陵歐陽史與通鑑同

馬殷擒其弟彥雄及逆黨七人械逆至關

皆斬於汴橋下時開平二年十一月也

永樂大典卷二千七百三十一

史臣曰成汭鍾杜田朱之流皆因否運雄據大藩雖無

濟代之勞且有勤王之節功雖不就志亦可嘉若較其

誠明則田頔延壽斯為優矣匡凝一門昆仲千里江山

失守藩垣未克負荷斯乃劉景升之子之徒歟張佶有

讓帥之賢雷滿辱俾侯之寄優劣可知矣

永樂大典卷二千七百三十一

十一

九

要要



舊五代史卷十八

宋司空同中書門下平章事薛居正等撰

列傳第八

梁書十八

張文蔚字右華河間人也父楊

案楊原本作錫考舊唐書張楊傳云字公表當

以從衣為是今改正

唐僖宗朝累為顯官文蔚幼礪文行求知取

友藹然有佳士之稱唐乾符初登進士第時丞相裴坦

兼判鹽鐵解褐署巡官未幾以畿尉直館丁父艱以孝

聞中和歲僖宗在蜀大寇未滅急於軍費移鹽鐵於揚

州命李都就判之奏為轉運巡官駕還長安除監察御

史遷左補闕侍御史起居舍人司勳吏部員外郎拜司



勳郎中知制誥歲滿授中書舍人丁母憂退居東畿哀  
毀遇禮服闋復拜中書舍人俄召入翰林為承旨學士  
屬昭宗初還京闕皇綱寢微文蔚所發詔令靡失殿中  
論者多之轉戶部侍郎仍依前充職尋出為禮部侍郎  
天祐元年夏拜中書侍郎平章事兼判戶部時柳璨在  
相位擅權縱暴傾陷賢雋宰相裴樞等五家及三省而  
下三十餘人咸抱冤就死縉紳以目不敢竊語其是非  
餘怒所注亦不啻十許輩文蔚殫其力解之乃止士人  
賴焉璨敗死文蔚兼度支鹽使鐵天祐四年天子以土  
運將革天命有歸四月命文蔚與楊涉等總率百寮奉

禪位詔至大梁太祖受命文蔚等不易其位開平二年

春暴卒于位詔贈右僕射文蔚沉邃重厚有大臣之風

居家孝且悌雖位至清顯與仲季相雜在太夫人膝下

一不異布素弟濟美早得心恙美賄憲相繼以進士登

第北夢瑣言云張楊尚書有五子文蔚彛憲濟美仁龜

皆有名第至宰輔丞即內一子亡其名少年聞壁魚食

神仙字身有五色吞之可得仙因欲試之文蔚撫視殆

三十年士君子稱之子鑄周顯德中位至祕書監永樂大典

卷六十三  
百五十一

薛貽矩字熙用河東聞喜人祖存父廷望咸有令名貽  
矩風儀秀聳其與游者皆一時英妙藉甚於文場間唐



乾符中登進士第歷度支巡官集賢校理拾遺殿中起居舍人召拜翰林學士加禮部員外郎知制誥轉司勳即中其職如故乾寧中天子幸石門貽矩以私屬相失不及於行在罷之旋除中書舍人再踐內署歷戶部兵部侍郎學士承旨及昭宗自鳳翔還京大翦閹寺貽矩尚為韓全誨等作畫讚悉紀于內侍省屋壁間坐是謫官天祐初除吏部侍郎不至太祖素重之嘗言之于朝即日拜吏部尚書俄遷御史大夫四年春唐帝命貽矩持詔赴大梁議禪代之事貽矩至威稱太祖功德請就北面之禮太祖雖謙抑不納待之甚厚受禪之歲夏五月

通

拜中書侍郎平章事兼判戶部明年夏進拜門下侍郎監修國史判度支又遷弘文館大學士充鹽鐵轉運使累官自僕射至守司空在任綿五載案歐史梁本紀貽矩以開平元年同平章事至乾化二年薨統帥貽矩居相位共六年歐然史唐六臣傳貽矩為唐相五年卒尚仍薛史之誤亦無顯赫事跡可紀扈從貝州還染時厲旬日卒于東京詔贈侍中永樂大典卷二萬一千三百六十七張策字少逸燉煌人父同仕唐官至容管經略使策少聰警好學尤樂章句居洛陽敦化里嘗浚甘泉井得古鼎耳有篆字曰魏黃初元年春二月匠吉千且又製作奇巧同甚寶之策時在父傍徐言曰建安二十五年曹



公薨改年為延康其年十月文帝受漢禪始號黃初則是黃初元年無二月明矣鼎文何謬歟同大驚亟遣啓書室取魏志展讀一不失所啟宗族奇之時年十三然而妙通因果酷奉空教未弱冠落髮為僧居雍之慈恩精廬頗有高致唐廣明末大盜犯闕策遂逐初服奉父母逃難君子多之及丁家艱以孝聞服滿自屏郊數一無干進意若是者十餘載方出為廣文博士改祕書郎王行瑜帥邠州辟為觀察支使帶水曹員外郎賜緋及行瑜反太原節度使李克用奉詔討伐行瑜敗死邠州平策與婢肩輿其親南出邠境屬邊寨積雪為行者所哀

太祖聞而嘉之奏為鄭滑支使尋以內憂去職制闕除國子博士遷膳部員外郎不一歲華帥韓建辟為判官及建領許州又為掌記天復中策奉其主書幣來聘太祖見而喜曰張夫子且至矣即奏為掌記兼賜金紫

夢瑣言云朱令公軍次于華用張濬計先取韓建其幕客張策攜印率副使李巨川同詣轅門請降張策本與張濬有分攜印而降濬之謀是梁祖之喜張策由張濬有先入之言也天祐初表其才拜

職方郎中兼史館脩撰俄召入為翰林學士轉兵部郎中知制誥依前脩史未幾遷中書舍人職如故太祖受禪改工部侍郎加承旨其年冬轉禮部侍郎明年從征至澤州拜刑部侍郎平章事仍判戶部尋遷中書侍郎



木

以風恙拜章乞骸改刑部尚書致仕即日肩輿歸洛居於福善里修篁嘉禾圖書琴酒以自適烏乾化二年秋卒所著典議三卷制詞歌詩二十卷牋表三十卷存於其家

永樂大典卷六千三百五十一

杜曉字明遠京兆杜陵人祖審權仕唐位至宰相父讓能官至守太尉平章事乾寧中邠鳳二鎮舉兵犯王畿讓能被其誣陷天子不得已賜死於臨臯驛曉居喪柴立幾至滅性憂湍服幅巾七升沉跡自廢者將十餘載光化中宰相崔胤判鹽鐵奏為巡官兼校書郎尋除畿尉直弘文閣皆不起及昭宗東遷宰相崔遠判戶部又

奏為巡官兼殿中丞或語之曰嵇中散死子紹埋沒不自顯山濤以物理勉之乃仕吾子忍令杜氏歲時以鋪席祭其先人同匹庶乎曉乃就官未幾拜左拾遺尋召為翰林學士轉膳部員外郎依前充職及崔遠得罪出守本官居數月以本官知制誥俄又召為學士遷郎中充職太祖受禪拜中書舍人職如故開平三年轉工部侍郎充承旨明年秋拜中書侍郎平章事仍判戶部庶人友珪篡位遷禮部尚書平章事集賢殿大學士依前判戶部及袁象先之討友珪禁兵大縱曉中重創而卒末帝即位詔贈右僕射曉博瞻有詞藻時論稱之兄光



又案新唐書表有心亦厥疾每作或謚喙縱詬或揮挺

追撲曉事之愈恭未嘗一日少怠居兩制之重祖述前

載甚得王言之體案北夢瑣言云曉貌及典秩尚書志

氣甚遠一旦非分而沒咸寃惜焉豈三世為相道忘太

咸欽永樂大典卷十一萬四十七百三十

敬翔字子振同州馮翊人唐神龍中平陽王暉之後也

曾祖琬絳州刺史祖忻同州椽父袞集州刺史翔好讀

書尤長刀筆應用敏捷乾符中舉進士不第及黃巢陷

長安乃東出關時太祖初鎮大梁有觀察使王發者

翔里人也翔往依焉發以人遇之然無由薦達翔以

之計窘乃與人為賤刺往往有警句傳於軍中太祖比

不知書章檄喜淺近語聞翔所作爰之謂發曰知公鄉

人有才可與俱來及見應對稱旨即補右職每令從軍

翔不喜武職求補文吏即署館驛巡官俾專掌檄奏太

祖與蔡賊相拒累歲城門之外戰聲相聞機略之間翔

頗預之太祖大悅恨得翔之晚故軍謀政術一以諮之

蔡賊平奏授太子中允賜緋從平兗鄆改檢校水部郎

中太祖兼鎮淮南授揚府左司馬賜金紫乾寧中改光

祿少卿充職天復中授檢校禮部尚書遙領蘇州刺史

昭宗自岐下還長安御延喜樓召翔與李振登樓勞問



坡

翔授檢校右僕射太府卿賜號迎鑿叶贊功臣太祖受  
 禪自宣武軍掌書記前太府卿授檢校司空依前太府  
 卿勾當宣徽院事尋改樞密院為宗政院以翔知院事  
 開平三年夏四月太祖以邠岐侵擾遣劉知俊西討廊  
 延深憂不濟因宴顧翔問以西事翔剖析山川郡邑虛  
 實軍糧多少悉以條奏如素講習左右莫不驚異太祖  
 嘆賞久之乾化元年進位光祿大夫行兵部尚書金鑾  
 殿大學士知宗政院事平陽郡侯前朝因金鑾岐以為  
 門名與翰林院相接故得為學士者稱金鑾以美之今  
 殿名金鑾從嘉名也置太學士始以翔為之

案五代會要云以金

經

珪

鑾為名非典也大學士與三館太學士同翔自釋褐東下遭遇霸王懷抱深

沉有濟之略起中和歲至鼎革大運其間三十餘年扈  
 從征伐出入帷幄庶務叢委恒達旦不寢唯在馬上稍  
 得晏息每有所裨贊亦未嘗顯諫上俛仰顧步間微示  
 持疑爾而太祖意已察必改行之故裨佐之迹人莫得  
 知及太祖大漸召至御床前受顧託之命且深以并寇  
 為恨翔嗚咽不忍受命而退

案通鑑乾化二年六月丁丑相帝命敬翔出友珪為

萊州刺史即令之官已宣旨未行勅蓋即敬翔所受庶

之命戊寅太祖被弒命未及行故薛史亦不為詳載庶

人反哇之篡位也以天下之望命翔為宰相友珪以翔  
 先朝舊臣有所畏忌翔亦多稱病不綜政事末帝即位



趙張之族皆處權要翔愈不得志及劉鄩失河朔安彥之喪楊劉翔奏曰國家連年遣將出征封疆日削不獨兵驕將怯亦制置未得其術陛下處深宮之中與之計事者皆左右近習豈能量敵之勝負哉先皇時河朔半在親御虎臣驍將猶不得志于敵人今寇馬已至鄆州陛下不畱聖念臣所未諭一也臣聞李亞子自黑纓統衆於今十年每攻城臨陣無不親當矢石昨聞攻楊劉率先負薪渡水一鼓登城陛下儒雅守文未嘗如此俾賀瓌輩與之較力而望遠逐寇戎臣所未諭二也陛下所宜詢於黎老別運沉謀不然則憂未艾也臣雖驽怯

受國恩深陛下必若之材乞於邊陲効試末帝雖知其懇惻竟以趙張輩言翔怨望不之聽及王彥章敗於中都晉人長驅而南末帝急召翔翔至謂之曰朕居常忽卿所奏果至今日事急矣勿以為懟且使朕安歸翔泣奏曰臣受國恩僅將三紀從微至著皆先朝所遇雖名宰相實朱代老奴耳事陛下如郎君以臣愚誠敢有所隱陛下初任段殷殷為將臣已極言小人朋附致有今日晉軍即至段凝限水欲請陛下出居避狹陛下必不聽從欲請陛下出奇應敵陛下必不果決縱良平復生難以轉禍為福請先死不忍見宗廟隕墜言訖君臣相向慟



哭及晉主陷都城有詔赦梁氏臣寮李振謂翔曰有制  
洗滌將朝新君翔曰新君若問其將何辭以對是夜翔  
在高頭里第宿於車坊欲曙左右報曰崇政李太保已  
入朝翔返室嘆曰李振謬為丈夫耳朱氏與晉仇讎我  
等始同謀畫致君無狀今少主伏劍于國門縱新朝赦  
罪何面目入建國門也乃自經而卒數日并其族被誅  
初貞明中史臣李琪張衮却殷象馮錫嘉奉詔修撰太  
祖寔錄三十卷叙述非工事多漏略復詔翔補緝其闕  
翔乃別纂成三十卷目之曰太祖編遺錄與寔錄偕行  
翔妻劉氏父為藍田令廣明之亂劉為巢將尚讓所得

巢敗讓携劉降於時溥及讓誅時溥納劉於妓室太祖  
平徐得劉氏嬖之屬翔喪妻因以劉氏賜之及翔漸貴  
劉猶出入太祖卧内翔情禮稍薄劉於曲室讓翔曰卿  
鄙余曾失身於賊耶以成敗言之尚讓巢之宰輔時溥  
國之忠臣論卿門第辱我何甚請從此辭翔謝而止之  
劉恃太祖之勢案原本下太祖四鎮時劉已得國夫人  
之號車服驕侈婢媵皆珥珠翠其下別置爪牙曲謁書  
幣聘使交結藩鎮近代婦人之盛無出其右權貴皆相  
附麗寵信言事不下於翔當時貴達之家從而效之敗  
俗之甚也永樂大典卷一萬八千四百二十四五代史補敬翔應三傳敬舉不第發憤投太祖願



備行陣太祖問曰足下通春秋久矣今吾主盟其為戰  
欲效春秋時可乎翔曰不可夫禮樂猶不相沿襲况兵  
行詭道宜其變化無窮若復如春秋時則所謂務虛名  
而喪其實效大王之事去矣太祖大悅以為知兵遽延  
之幕府委以軍事  
竟竟至作柯相

李振字興緒唐潞州節度使抱真之曾孫也祖父皆至  
郡守振仕唐自金吾將軍改台州刺史會盜據浙東不  
克之任因西歸過汴以策略干太祖太祖奇之辟為從  
事太祖兼領鄆州署天平軍節度副使湖南馬殷為朗  
州雷滿所逼振奉命馳往和解殷滿皆稟命光啟三年  
十一月太祖遺振入奏於長安舍於州邸邸吏程巖白  
振曰劉中尉命其姪希貞來計大事欲上謁願許之既

署

至巖乃先啟曰主上嚴急內官憂恐左中尉欲行廢黜  
之事巖等協力以定中外敢以事告振顧希貞曰百歲  
奴事三歲主亂國不義廢君不祥非敢聞也况梁王以  
百萬之師匡輔天子禮樂尊戴猶恐不及幸熟計之希  
貞大沮而去案通鑑考異疑李振之拒希貞為誤謂李  
振若已立異豈敢復入長安與崔胤謀反  
正乎今考梁祖紀亦云李振自長安使迴當時李述懼  
汴梁兵力固不能阻李振之往來薛史所書宜可徵信  
及振復命劉李述等果作亂程巖率諸道邸吏率帝下  
殿以立幼主奉昭宗為太上皇振至陝陝已賀矣護軍  
韓彛範言其事振曰懿皇初昇遐韓中尉殺長立幼以  
利其權遂亂天下今將軍復欲爾耶彛範即文約孫也



由是不敢言振東歸太祖方在邢洛遽還於汴大計未  
決李述遣養子希度以唐之社稷欲輸于太祖又遣供  
奉官李奉本副介支彥勳詐贗上皇誥諭至皆李述黨  
也太祖未及迎命振又言曰夫豎刁伊戾之亂所以資  
霸者之事也今闍豎幽辱天子不能討無以令諸侯時  
監軍使劉重楚李述兄也舊相張濬寓於河南絳氏亦  
來謂太祖曰同中官則事易濟且得所欲唯振堅執不  
改獨曰行正道則太勳可立太祖英悟忽厲色曰張公  
勸我同敕使欲傾附自求宰相耶案舊唐書昭宗紀崔  
胤之與前左僕射張濬告  
難于全忠張濬傳亦云德王廢立之際濬致書諸藩請  
圖匡復薛史作張濬黨于李為梁祖所拒與舊唐書異

乃定策繫偽使李奉本支彥勳與希度等即日請振將  
命于京師與宰相謀返正未幾劉李述伏誅昭宗復帝  
位太祖聞之喜曰振執其手謂之曰卿所謀是吾本志  
穹蒼其知之矣自是益重之天祐二年春正月太祖召  
振謂曰王師範來降易歲尚處故藩今將奏請授授方  
面其為我馳騎以茲意達之振至青州師範即日出公  
府以節度觀察二印及文簿管鑰授於振師範雖已受  
代而疑撓特甚屢揮泣求貸其族振因以切理論之曰  
公不念張繡事耶漢末繡屢與曹公立敵豈德之耶及  
袁紹遣使招繡賈詡曰袁家父子自不相容何能主天



下英士曹公挾天子令諸侯其志大不以私讐為意不  
宜疑之今梁王亦豈以私怨害忠賢耶師範洒然大悟  
翌日以其族遷太祖乃表振為青州留後未幾徵還唐  
自昭宗遷都之後王室微弱朝廷班行備員而已振皆  
願指氣使旁若無人朋附者非次獎升私惡者沉棄振  
每自汴入洛朝中必有賤竄故唐朝人士目為鳩梟天  
祐中唐宰相柳燦希太祖旨譖殺大臣裴樞陸扆等七  
人於滑州白馬驛時振自以咸通乾符中嘗應進士舉  
累上不第尤憤憤乃謂太祖曰此輩自謂清流宜投於  
黃河永為濁流太祖笑而從之洎太祖受禪自宜義軍

宣

節度使檢校司徒授殿中監累遷戶部尚書庶人友珪  
篡立代敬翔為宗政院使末帝即位趙張二族用事遂  
為所間謀猷猷替多不見從振每稱疾避事龍德末閑  
居私第時暮矣晉主入汴振謁見首眾郭崇韜指振謂  
人曰人言李振乃一代奇才吾今見之乃常人耳會段  
凝等疏梁氏權要之臣振與敬翔等同日族誅

永樂大典卷一

萬三百八十卷

史臣曰文蔚貽矩皆唐朝之舊臣遇梁室之強禪奉君  
命以來使狎神器以授之逢時若斯亦為臣者之不幸  
也抑不為其相不亦善乎杜曉著文雅之稱張策有冲



淡之量咸登台席無忝士林敵翔李振始輔霸圖終成  
帝業及國之亡也一則殞命以明節一則視息以偷生  
以此較之翔為優矣振始有濁流之言終取赤族之禍  
報應之事固以昭然

永樂大典卷八  
萬三百八十八

舊五代史卷十九

宋司空同中書門下平章事薛居正等撰

列傳第九

梁書十九

代叔琮尉氏人也唐中和末應募為騎軍初隸於龐師  
古為伍長叔琮壯勇沈毅膽力過人太祖討巢蔡於陳  
許間叔琮奮擊首出諸校太祖壯之自行伍間擢為後  
院馬軍都將時東伐徐鄆多歷年所叔琮身當矢石奮  
不顧命觀者許焉累遷為指揮使尋奏授宿州刺史檢

校右僕射太祖伐襄陽叔琮失禮梁書光化二年

趙匡凝之隨唐鄧等州考刺史康懷英傳云從叔琮  
伐襄漢懷英以一軍攻下鄧州趙匡凝傳云太祖遣叔



叔琮伐之匡疑懼乞盟是役也寔以勝歸而薛史言其  
利疑別有據歐陽史作攻襄陽戰數敗因薛史原文而  
而增益其辭與唐書異降為陽翟鎮過使尋又捍禦晉軍於洹水

有功遷曹州刺史天復元年春領大軍攻拔澤潞叔琮  
遂引兵北掠太原師還除晉州節度使明年太祖屯軍  
於岐下晉軍潛襲絳州前軍不利晉軍恃勝攻臨汾叔  
琮嚴設備禦乃於軍中選壯士二人深目虬鬚貌如沙  
陀者令就襄陵縣牧馬於道間蕃寇見之不疑二人因  
雜其行間俄而伺隙各擒一人而來晉軍大驚且疑有  
伏兵遂退據蒲縣時太祖遣朱友寧將兵數萬赴應州  
委叔琮節制既至諸將皆欲休軍叔琮曰若然則賊必

遁矣遁則何功焉因夜出潛師截其歸路遇晉軍遊騎  
數百盡殺之遂攻其壘拔之斬獲萬餘衆奪馬三百匹  
太祖聞之喜謂左右曰殺蕃賊破太原非氏老不可叔  
乃長驅收汾與晉人轉戰直抵并壘軍迴以其攻奏加  
檢校司空自後累年晉軍不敢侵軼叔琮養士愛民甚  
甚有能政天復二年為鄴州留後尋真領保大軍節度  
使檢校司徒及昭宗東遷徵為右龍虎統軍以衛洛陽  
天祐元年八月與朱友恭同受太祖密旨弒昭宗於大  
內既而責以軍政不理貶白州司戶案舊唐書哀帝紀  
叔琮貶貝州司戶  
歐陽史作流嶺南不言其地考當時賜叔琮等死其勅  
云謫椽遐方安能塞責若貝州近在河北不得云遐方



當從薛史作尋賜自盡叔琮將死呼曰賣我性命欲塞

天下之謗其如神理何乾化二年詔許歸葬永樂大典卷一萬八

千一百二十六

米友恭壽春人本姓李名彥威卯角事太祖性穎利善

體太祖意太祖憐之因畜為己子賜姓初克讓後改之

案通鑑云友恭幼為全忠家僮全忠養以為子時初建左長劍都以及恭董之

從太祖四征稍立軍功累遷都諸指揮使檢校左僕射

乾寧中授汝州刺史加檢校司空光化初淮夷侵鄂諸

武昌帥杜洪來乞師太祖遣友恭將兵萬餘濟江應援

引兵至龍沙九江而還軍聲大振時淮寇據黃州友恭

長安川

攻陷其壁獲賊將瞿章俘斬董計途經安陸因襲殺刺

史武瑜盡收其衆以功為穎州刺史加檢校司徒天復

中為武寧軍留後天祐初昭宗東遷洛邑徵拜左龍虎

統軍以衛宮闕尋與代叔琮同受太祖密旨弒昭宗於

洛陽宮既而太祖自河中至責以慢於軍政貶崖州司

戶案北夢瑣言云朱全忠以朱友諒代叔琮扇動軍情

天曰天若知他日亦當如我後全忠即位為子友珪

友諒殊仍復其本姓名與代叔琮同日賜死永樂大典卷二十三

十一

王重師穎州長社人也案歐陽史穎州作許州材力兼人沈嘿大度



臨事有權變劍稍之妙冠絕於一時唐中和末蔡冠陷  
許昌重師脫身而來太祖異其狀貌乃隸於拔山都每  
於軍前効用頗出儕類文德中令董左右長劍軍太祖  
伐上蔡重師力戰有功及討兗鄆擢為指揮使奏授檢  
校右僕射重師枕戈擐甲五六年於齊魯間凡經百餘  
戰由是威震敵人尋授檢校司徒為潁州刺史乾寧中  
太祖攻濮州縱兵壞其墉濮人因此火塞其壞壘煙焰  
亘空人莫敢越重師方苦金瘡卧於軍次諸將或勉之  
乃躍起命壯士悉取軍中氈罽投水中擲於火上重師  
然後率精銳持短兵突入諸軍踵之濮州乃陷重師為

卷之四

劍槊所傷身被八九創丁壯荷之還營且將斃矣太祖  
驚惜尤甚曰雖得濮壘而失重師奈何亟命以奇藥療  
之彌月始愈尋知平盧軍留後加檢校司徒其後北  
伐幽滄鎮定屢與晉軍接戰頗得士心故多勝捷天  
祐中授雍州節度使加同平章事數年治戎卹民頗  
有威惠開平中為劉捍所構太祖深疑之然未有以  
發其事案通鑑佑國軍節度使王重師鎮長安數年  
帝怒其貢奉不時召重師入朝是重師之得  
罪由貢奉不無何擅遣裨將張君練縱兵深入邠鳳  
時與薛史異君練敗北太祖聞之怒其專擅曰追而斬之永樂大典  
卷一萬八  
千一百二十六 案通鑑不載張君練縱兵之事惟云  
劉捍至長安王重師不為禮捍譖之帝曰重師潛與邠

四 襄 婁



岐通甲申敗溪州刺史尋賜自盡夷其族此傳未經詳載  
據劉知俊傳太祖云王重師得罪劉捍設予爭也與  
通鑑合此傳不載  
蓋史家前後省文

朱珍徐州豐縣雍鳳里人也太祖初起兵珍與龐師古  
許唐李暉丁會氏叔琮鄧季筠王武等八十餘人以中涓  
從推堅陷陣所向盪決及太祖鎮汴兼領招討使署珍  
為宣武右職以總腹心於是簡練軍伍裁制綱紀平巢  
破蔡多珍之力也始尚讓以驍騎五千人至繁臺珍與  
龐師古齊奉國等擊退之及黃巢敗珍與并帥李克  
用追至寬旬而還尋從太祖以汴宋毫之師入西華破王  
夏寨勇冠軍鋒以功加秩光啟元年署諸軍都指揮使

始為上將於是軍焦夷敗蔡師鐵林三千人盡俘其將  
復西至汝鄭南過陳潁繚宋毫滑濮間與蔡賊文戰鏖  
伏襲殺不知其數會滑州節度使安師儒戎政不治太  
祖命珍與李唐賓率步騎以經略之始入境遇大雪令  
軍士無得休息一夕馳至壁下百梯並升遂乘其墉滑  
州平時太祖方謀濟師乃遣珍往淄州募兵行次任縣  
東面都統齊克讓伏兵於孫師陂以邀珍珍大破之進  
軍至牙山都虞候張仁遇白珍曰軍有不齊者當先斬  
本都將後以狀聞願許之珍怒其專乃斬仁遇以徇軍  
由是諸將威懼兵至輒封與淄人戰於白草口敗之青



人以步騎二萬列三寨于金嶺驛珍與戰連破之殲其師盡獲軍器戎馬是攻博昌大獲兵衆其後破盧瑋張晔及朱瑄朱瑾之衆平定曹濮未嘗不在戰中梁山之役始與李唐賓不協珍在軍嘗私迎其室於汴而不先請太祖太祖疑之密令李唐賓察之二將不相下因而交爭唐賓夜斬關還汴以訴珍亦棄軍單騎而至太祖西惜之故不罪俾還於師復以踏白騎士入陳毫間以邀蔡人遂南至斤溝破淮西石璫之師二萬擄璫以獻珍旋師自毫北趣靜戎濟舟于滑破黎陽臨河李固三鎮於內黃敗樂從訓萬餘人分命聶金范居寔塔澶州

與魏師過於臨黃魏軍有豹子軍二千人戮之無噍類威鎮河朔復攻淮西至蔡夾河而寨敗賊將蕭皓之衆皆擁於河溺死之進軍蔡州營其西南既破羊馬垣遇雨班師珍以兵援劉瓚赴楚州至襄山南遇徐戎扼其路珍乃攻豐下之時溥乃以全師會戰於豐南吳康里珍乃收豐破其三萬餘衆乃蔡賊平珍比諸將功居多龍紀初與諸將屯於蕭縣以禦時溥珍慮太祖自至令諸軍葺馬廐以候巡撫李唐賓之裨將嚴如獨慢焉軍候范權恃珍以督之唐賓素與珍不協果怒乃見以訴其事珍亦怒曰唐賓無禮遂拔劍斬之珍命騎列狀陳



其事太祖初聞唐賓之死驚駭與敬翔謀詐令有司收捕唐賓妻子下獄以安珍心太祖遂徑往蕭縣距蕭一

舍珍率將校迎謁梁祖令武士執之責其專殺命丁會

行戮案歐陽史作都將霍存等數十人叩頭以救太祖

怒以座床擲之乃退永樂大典卷二千三十一

李思安陳留張亭里人也初事汴將楊彥洪為騎士好

拳勇未弱冠長七尺超然有乘時自奮之意唐中和三

年太祖鎮汴嘗大閱戎旅觀其材甚偉之目錫名思安

字貞臣思安善飛稍所向披靡每從太祖征伐常馳馬

出敵陣之後測其厚薄而還或敵人有奇計多

命取之必鷹揚颶卷擒馘於萬衆之中出入自若如踞

無人之地太祖甚惜之命副王度裕為踏自將時巢蔡

合從太祖每遣偵邏必先獨往巢敗走思安領所部

百餘人追賊殺戮掩奪衆莫敢當尋領軍襲蔡寇於鄭

都將李唐賓馬躓而墜思安援槊刺追者唐賓復其騎

而還又嘗與蔡人鬪當陣生擒賊將柳行寔其後渡長

淮下天長高郵二邑又拒孫儒迫濠州皆有奇績累遷

為諸軍都指揮使奏官至檢校左僕射尋拜亳州刺史

練兵禦寇邊境肅然思安為性勇悍每統戎臨敵不大

勝又大敗開平元年春率兵伐幽州營於桑乾河擄



獲甚衆燕人大懼及軍迴率諸軍伐潞累月不克師人  
多逸太祖怒甚詔疏其罪盡奪其官爵委本郡以民戶  
係烏踰歲起之復令領兵亦無巨績可紀太祖嘗曰命  
將授鉞謂左右曰李思安當敵果敢無出其右者然每  
遇藩方擇材吾將用之則敗聞必至如是者二三矣則  
知飛將教竒前史豈虛言哉乾化元年秋又以為相州  
刺史思安自謂當擁旄伏鉞及是殊不快意但日循晏  
安無意為政及太祖北征以候騎之誤落然無所具而  
復壁壘荒圯帑廩空竭太祖貶柳州司戶尋死於相州  
永樂大典卷一萬三百八十八 案通鑑開化元年丙  
午至相州刺史李思安不意 卒至落然無具

爵二年正月丁卯帝至 李思安去歲 貴  
關敗柳州司戶尋長流思安于崖州賜死 據薛史則思  
安賜死即在相州未 嘗至敗所與通鑑異

鄧季筠宋州下邑人也少入黃巢軍隸於太祖麾下及  
太祖鎮汴首署為牙將主騎軍伐鄆之役生擒排陣將  
劉矯以獻唐大順初唐帝命丞相張濬伐太原太祖奉  
詔出師西至高平與晉人接戰軍既不利季筠為晉人  
所擒克用見之甚喜釋縛待以賓禮儀典戎事季筠在  
并門凡四稔 案通鑑考異引唐餘錄謂季筠  
與李存孝並賜死蓋傳聞之誤景福二年  
晉軍攻邢臺季筠領偏師預其後將及邢邢人陳於郊  
兩軍酣戰之際季筠出陣飛馬來歸太祖大加獎嘆賞



賚甚厚時初置廳子都最為親軍命季筠主之旋改統  
親騎又遷將中軍天祐三年奏授登州刺史下車稱理  
登州舊無羅城及季筠至即率丁壯以築之民甚安之  
自相與立碑以頌其績太祖受禪改鄭州刺史尋主兵  
於河中為都指揮使時并人寇平陽季筠接戰於洪洞  
大克拜華州防禦使又繼領龍驤等諸軍騎士累官至  
檢校司空栢鄉之後季筠臨陣前却太祖亦未之罪乾  
化二年春太祖親伐鎮定駐於相州回閱馬怒其馬瘦  
與魏軍校何令稠陳令勳同斬於壽下永樂大典卷一  
萬八千一百二

六十

黃文靖金鄉人少附於黃巢黨中巢敗歸於太祖累署  
牙職繼遷諸軍指揮使從太祖南平巢蔡北定克鄆皆有  
功唐大順中佐葛從周送朱崇節入潞會晉軍十餘萬  
近逼垣寨文靖慮孤軍難守乃與葛從周啟闔出師文  
靖為殿命矢毋皆外向持重而還晉人不敢逼其年冬  
與康懷英渡淮入壽春之境下安豐霍丘至光州而還  
光化初晉將李嗣昭周德威寇於山東文靖佐葛從周  
統大軍禦之至沙河敗晉軍五千餘騎遂逐之越張公  
橋乃止後旬日復與晉人戰於邢州之北擒蕃將賁金  
鐵慕容騰李存建等百餘人奪馬數千匹尋以功表



授檢校左僕射耀州刺史天祐二年春命佐楊師厚深入淮甸越壽春侵廬江軍至大獨山遇淮夷殺五千餘象振旅而還改蔡州刺史加檢校司空又遷潁州刺史太祖受禪復為蔡州刺史入為左神武統軍又改左龍驤使乾化元年從太祖北征回閱馬得罪命斬之文靖驍果善戰諸將皆惜之永樂大典卷一萬八千一百二十六

胡規兗州人初事朱瑾為中軍都校兗州平署為宣武軍都虞候佐葛從周伐鎮定從張存敬收晉絳皆有功署為河中都虞候榷鹽務天復中太祖迎駕在岐下以規權知洛州昭宗還長安詔受皇城使及東遷以為御

營使駕至洛授內園莊宅使天祐三年佐李周彝討相州獨當州之一面頗以功聞軍還權知耀州事明年討滄州為諸軍壕寨使太祖受禪除右羽林統軍尋佐劉鄩統兵收潼關擒劉知浣獻之乃以為右龍虎統軍兼侍衛指揮使乾化元年詔修洛河堤堰軍士曰之斬伐百姓園林太甚河南戶張宗奭奏之規得罪賜死永樂大典卷一萬八千一百二十七

李謹河中臨晉人少時遊秦雍間為人勇悍多力甚有氣誼唐廣明初黃巢陷長安謹遂得仕於其間巢以謹為內樞密使案新唐書黃巢傳及通鑑皆言巢以費傳古為樞密使不載李謹疑與傳古先後授



偽官蓋謹曾委質於宦者出入於宮禁間巢以此用為

其後巢軍既敗謹乃束身歸於太祖署為左德勝騎軍

都將從太祖討蔡賊頗立軍功及東伐兗鄆以所部士

伍俘獲甚衆改元從騎將表授檢校右僕射柳王友裕

領兵攻澤州時太祖駐大軍於盟津乃令謹將兵越太

行授以籌謀謹頗違節度久而無功案唐書李存孝傳云李謹收軍而遁

存孝擊至馬牢川俘斬萬計此傳不載蓋前後省文太祖遣追還廷責其罪戮之

於河橋永樂大典一萬三百八十八

李重胤案重原本作重裔蓋薛史沿避諱舊例今改畫一宋州下邑人狀貌雄武

初在黃巢黨中推為剛鷲唐中和四年五月南面李

謹等率衆至繁其與太祖之軍相距及巢寇漸衰乃率

衆來降太祖素識之拔用不次署為先鋒步軍都頭與

胡真援河陽逼懷州重胤以部下兵突之射中蕃將安

休休又令與李謹率騎軍至陝應接郭言迴次澠池破

賊帥黃花子之衆改滑州夾馬指揮使蔡賊圍汴重胤

以步兵攻下三寨擄獲甚多太祖大舉伐宗權俾重胤

以滑兵為先鋒及東討徐州下豐蕭二邑轉右廂馬步

軍指揮使大順元年秋從柳王友裕收澤州與晉軍戰

於馬牢川王師敗績迴守河陽太祖謂諸將曰李謹重

胤違我節度不能立功頗辜任使於是與李謹並戮於



河橋

永樂大典卷一  
萬三百八十八

范居實絳州翼城人事太祖初為隊將從討巢蔡有功  
又從朱珍收滑州改左廂都虞侯預破兗鄆功遷威義  
都頭鄭州馬軍指揮使幽州劉仁恭舉衆南下寇魏郡  
北圍居實與葛從周張存敬率兵救魏大破幽滄之  
衆於內黃太祖迎昭宗於岐下以居實為河中馬軍都  
指揮使及昭宗還京師迎鑾設勇功臣遙領錦州刺史  
又遷左龍驤馬軍都指揮使從征淮南迴改登州刺史轉  
左神勇軍使開平元年用軍於潞州命居實統軍以解  
澤州之圍授耀州刺史令以部兵屯固鎮尋除澤州刺

史居實拳勇善戰頗立軍功在郡以戎備不理詔追赴

闕暴其翫寇之罪而斬之

永樂大典卷一萬  
六千五百十七

史臣曰叔琮而下咸以鷹犬之才遭遇雲龍之會勤勞  
王室踐履將壇然俱不得其死豈不惜哉得非鳥盡弓  
藏理當如是耶將梁祖之雄猜無漢高之大度歟乃知  
自古帝王能保全功臣者唯光武一人而已矣語曰弑  
父與君亦不從也而叔琮友恭從之何也既為盜跖所  
族豈免成濟之誅臨終之言益彰其醜也

永樂大典卷  
一萬六千五

百十  
七



舊五代史卷二十

宋司空同中書門下平章事薛居正等撰

列傳第十

梁書二十

謝朏字子明福州人唐咸通末舉進士回留長安三歲不中第廣明初黃巢陷長安遂投跡於太祖泊居門下未嘗一日不在左右太祖據同州遂署右職其年秋太祖與河中文戰再不利連上章請兵於巢偽右軍督尉孟楷抑而不進朏揣太祖有擇福意乃進說曰黃家以數十萬之師值唐朝久安人不習戰回利乘便遂下西京然始竊偽號任用已失其所今將軍勇冠三軍力戰



于外而孟楷專務壅蔽奏章不達下為庸才所制無獨  
斷之明破亡之兆况矣况土德未厭外兵四集漕運波  
注日以收復為名惟將軍察之太祖曰我意素決爾又  
如是復何疑我翌日遂定策戮偽監軍使悉眾歸順於  
河中王重榮表曠為檢校屯田員外郎賜緋令奉表于  
蜀唐僖宗大悅召入顧問錫賚甚厚以功授朝散大夫  
太子率更令賜紫為陵州刺史治郡一歲改檢校右散  
騎常侍通刺史在任四考頗有政績秋罷詣蜀行在太  
祖遣人迎之龍紀二年至東京勞徕彌厚賜第墅各一  
區錢千緡表為亳州團練使兼太清宮副使加檢校工

部尚書是年冬太祖征淮南過郡回求侍府幕表為宣  
義軍節度副使充西使留後曠在滑十三年部內增戶

約五萬益兵數千人累遷至大中大夫檢校右僕射卒

于滑開平初追贈司徒

永樂大典卷一萬  
八千一百二十八

司馬鄴字表仁其先河內温人也祖德璋仕唐為杞王

傅父誣左武衛大將軍鄴資蔭出身頗知書累官至

大列唐天復初韓建用為同州節度留後

紫韓建傳作  
判官司馬鄴

昭宗之幸鳳翔也太祖引兵入関前鋒至左馮翊鄴持

印鑰迎謁道左太祖以兵圍華州命入城招諭韓建建

果出降及大軍在岐下遣奏事於昭宗再入復出又使于



金州說其帥馮行襲俾堅攀附後歷宣武天平等軍從  
事開平元年拜右武衛上將軍三年使于兩浙時淮路  
不通乘驛者迂迴萬里陸行則出荆襄潭桂入嶺自番禺  
泛海至閩中達于杭越復命則備舟楫出東海至於  
登萊而揚州諸步多賊船遠者不敢循岸必高帆遠引  
海中謂之入陽以故多損敗鄴在海逾年漂至耽羅國  
一行俱溺後詔贈司徒永樂大典卷一萬  
八千一百二十八  
劉捍開封人父行仙宣武軍大將軍捍少為牙職太祖  
初鎮夷門以捍聰敏擢副典客唐中和四年夏太祖以  
朱珍為淄州刺史令收兵於淄青間命捍監其兵洛達

大敵皆破之博昌獲精兵二萬以歸四月合大軍敗蔡  
賊秦宗賢數萬眾於汴西文德元年十一月蔡將申叢  
折宗權足納款於太祖使捍奏其事加兼御史大夫光  
化三年六月太祖北伐鎮定至常山而王鎔危懼送款  
於太祖命捍入壁門傳諭時兩軍未整守門者戈戟十  
匝捍馳騎而入竟達其命又移師以攻中山至懷德驛  
大破定人五萬眾王處直乞降捍復單馬入州安撫而  
案梁祖下鎮定服中山舊唐書作光化三年九月新  
迴唐書作十月薛史又總繫于六月以後据通鑑自六  
月舉兵至九月太祖迎昭宗於岐下以捍為親軍指揮  
始定中山也天復三年正旦宋文通令客將郭啟奇使於太祖命捍



復命昭宗聞其至即召見詢東兵之事仍以錦服銀鞍  
勒馬賜之翌日授光祿大夫檢校司空登州刺史昭宗  
京改常州刺史賜號迎鑿毅勇功臣四月太祖伐王師  
範於青州改左右長直都指揮使天祐三年正月授宋  
州刺史四月加檢校司徒太祖受禪授左龍虎統軍兼  
元從親軍馬步都虞候及上黨纏兵太祖親往巡撫以  
捍為御營使大軍次昂車斥侯來告蓋我逼澤州命捍以  
兵千人赴之并軍遂遁車駕還京授捍侍衛親軍都  
指揮使晉人侵晉州從幸陝迴加檢校太保及從駕  
幸河中詔追王重師赴行在以捍為雍州節度觀察留

幹

後纔踰月劉知俊據同州反潛使人以厚利啗捍將校  
遂為部下所執送於知俊知俊繫捍歸於鳳翔為李茂  
貞所害開平四年贈太傅末帝即位又贈太尉捍便習  
賓替善於將迎自司賓局及征討四出必預其間雖無  
決戰爭鋒之績而承命奔走敷揚命令勒漣泣職以至

宗顯焉

永樂大典卷九千九十八

王敬堯潁州汝陰人世為郡武吏唐乾符初敬堯為本  
州都知兵馬使中和初寇難益熾即守庸怯不能自固  
敬堯遂代之監郡俄真拜刺史加檢校右散騎常侍時  
州境荒饑大寇繼至黃巢數十萬眾寨于州南敬堯極



軍

力抗禦逾旬而退俄又宗權之眾凌暴益甚合圍攻壁  
 皆力屈而去蔡賊復遣將刁君務以萬眾來逼敬堯列  
 陣當之身先馳突殺敵甚多由是竟全即壘歸近歸附  
 及淮人不恭太祖屢以軍南渡路由州境敬堯悉心供  
 億太祖甚嘉之乾寧二年署為汧淮上下都指揮使四  
 年冬龐師古敗于清口敗運逃歸者甚眾路出于頴時  
 雨雪連旬軍士凍餒敬堯自淮燎薪相屬於道郡中設  
 糜糗餅餌以待之全活者甚眾由是表知武寧軍節度  
 徐宿觀察留後數月真拜武寧軍節度使業文苑華英  
寧軍節度制有云襲淮流之積寇捷潛山之雄姿  
勇寔兼人智能固物蓋回青口之役而加秩也天復

傑

二年入為右龍武統天祐三年轉左衛上將軍開平元  
 年八月以疾致仕尋卒於其第敬堯魁傑沈勇多力善  
 戰所持槍矢皆以純鐵鍛就槍重三十餘斤摧鋒突陣  
 率以此勝雖非太祖舊臣而連輸懇款保境合兵以輔  
 興王之運有足稱者永樂大典卷一萬  
八千一百二十六

高劬字子將淮南節度使駢之從子也父泰黔中觀察  
 使唐僖宗避敵在蜀駢鎮淮南為都統兼諸道鹽鐵使  
 兵賦在已朝廷優假之以故劬幸而早於年十四遙領  
 華州刺史光啓中以駢命謁晉公王鐸于鄭俄而州陷  
 蔡幼為賊所得使人守之戒四門曰無出高大夫幼伺



守者稍情伴為亡食者過危垣取殍者衣全身易服得  
佗兒抱之行出東郊門人以為丐者不之及稍遠棄所  
抱兒疾趨至中年遂達于汴太祖以客禮遇之尋表為  
亳州團練副使知州事又數年辟為宣武軍節度判官  
在幕下頗以氣直自許後監鄭州事復權知徐州留後  
唐昭宗之鳳翔太祖迎奉未出幼有疑謀遂令赴華州  
詣丞相府以議其事行至高陵為盜所害

永樂大典卷  
五千五百三

八十

馬嗣勳濠州鍾離人世為軍吏嗣勳有口辨習武藝為  
州客將唐景福元年三月太祖以壽州刺史江儒反下

蔡鎮使李立率兵攻濠梁刺史張遂俾嗣勳持州印藉  
戶口以歸於太祖乾寧二年三月楊行密復攻濠州張

遂遣嗣勳求援于太祖俄而即陷

案九國志李簡傳乾  
寧二年從攻濠州濠

水深濶簡手搴重甲口銜大刀先渡踰壘破其關鍵擒  
刺史張遂以獻新唐書楊行密傳與九國志畧同惟遂  
字新唐燧嗣勳無所歸即署為元從押牙副典客頗稱任

使光化元年三月太祖令往光州說刺史劉存背淮賊

以向國

案新唐書本紀乾寧三年楊行密陷光州劉存  
死之九國志柴再用傳乾寧中從光延壽平劉

存于弋陽授知光州軍事梁兵寇光州再用擊走之以  
功遷光州刺史興薛史異又九國志吳有兩劉存其一

即光州刺史其一陳又從李彥威復黃州及武昌縣

獲刺史瞿章

案新唐書本紀乾寧四年五月壬子朱全  
忠陷黃州刺史瞿章死之九國志馬珣傳



三年梁將朱友恭圍瞿章于黃州命珣率兵援之黃州  
州陷戰不利而退薛史作光化元年與諸書互異

復使光州持幣馬以賜劉存會淮賊急攻光州存與嗣  
勳率兵大戰敗而走之又遣使於蜀及歸得其助軍資  
實甚多天復中太祖迎昭宗于岐下軍至華國之西閩  
使嗣勳入見韓建即時同出迎謁及羅紹威將殺牙軍  
遣使告於太祖求為外援時安陽公主初卒於魏太祖  
乃遣嗣勳率長直官千人實兵仗于橐中肩舁以入於  
魏聲言來致祭會葬牙軍不之覺天祐三年正月十六  
日夜嗣勳與紹威親軍同攻牙軍至曙盡殪之嗣勳重  
傷旬日而卒開平中累贈太保永樂大典卷一萬  
千一百二十八

張存敬譙郡人也性剛直有膽勇臨危無所畏憚唐中  
和中從太祖赴汴以其折節頗見親昵首為右騎都將  
從討巢蔡凡歷百戰多于危蹙之間顯有奇畧由是頻  
立殊効光啟中李罕之會晉軍圍張宗奭于盟津太祖  
遣丁會葛從周存敬同往馳救存敬引騎軍先犯敵  
將諸軍翼之敵騎大敗乃解河橋之圍大順二年為諸  
軍都虞侯佐霍存董大軍收宿州以功奏加檢校兵部  
尚書太祖東征徐克存敬屢有俘斬之功凡授指領皆  
與機會矢石所及必以身先太祖尤加優異以為行營  
都指揮使檢校右僕射乾寧三年克武寧軍留後行



潁州刺史光化二年夏四月幽滄侵凌魏郡復以存敬  
為都指揮使三年大舉與葛從周連統諸軍攻浮陽樹  
數十柵圍劉守文累月時幽州劉仁恭舉兵未援存敬  
潛軍擊之於乾寧軍南老鴉堤是日燕人大敗斬首五  
萬級生擒馬慎文已下一百餘人獲馬萬餘蹄案舊唐書光化  
二年三月張存敬率師授魏州大敗燕軍仁恭父子僅免薛史作三年事與舊唐書異其年秋九  
月引軍收鎮州存敬勒衆涉滹沱河師人鼓行而進逢  
鎮之遊兵數千回逐之直入鎮之壅門收鞍馬牛馳萬  
計翌日鎮人納質而旋尋為宋州刺史踰年甚有能政  
復擁衆伐蓟門數旬間連下瀛莫祁景四州擒俘不可

勝紀自懷德驛與中山兵接戰枕屍數十里中山開壁  
請降天復元年春太祖以河中節度使王珂與太原結  
親憑恃驕恣命存敬統大軍討之即日收絳州擒刺史  
陶建釗降晉州刺史張漢瑜二郡平連圍河中王珂請  
降太祖嘉之乃以存敬為護國軍留後未幾檢校司空  
尋移宋州刺史將之任所寢疾踰旬卒于河中大祖聞  
之痛惜移晷開平初追贈太保乾化三年又追贈太傅  
子仁愿晉天福中仕至大理永樂大典卷六千三百五十一  
寇彥卿字俊臣大梁人也祖瑄父喬皆宣武軍牙校太  
祖鎮汴以彥卿將家子擢在左右弱冠選為通贊官太



祖為元帥補元帥府押牙充四鎮通贊官行首兼右長  
直都指揮使累奏授檢校司徒領洺州刺史羅紹威將  
殺牙軍遣使告於太祖太祖命彥卿使于親密與紹威  
謀之竟成其事彥卿之力也彥卿身長八尺陸準方面  
語音如鐘善騎射好書史復善伺太祖之旨凡所作為  
動皆云合太祖每言曰敬翔劉捍冠彥卿蓋為我而生  
其見重如此太祖有所乘烏馬號一丈烏嘗以賜彥卿  
天復中太祖迎昭宗於鳳翔累於岐軍對陣時彥卿為  
諸道馬步軍都排陣使嘗躬擐甲胄乘其所賜烏馬馳  
騁於陣前太祖目之曰真神王也昭宗還京賜迎鑿穀

寇

勇功臣改邢州刺史尋遷亳州團練使

案通鑑開平二年帝從吳

越王錢鏐之請以亳州團練彥卿為東南面行營都指

揮使使擊淮南十一月彥卿帥眾二千襲霍丘為土

朱景所敗又攻廬壽二州皆不勝淮南遣滁州刺史李

儼拒之九國志朱景傳梁祖問景名命冠彥卿率勁騎

三千襲霍丘圍取景且諭梁祖之意令降景率其徒戰

於丘墟林澤中射死者無數彥卿兵折力殫而去此事

薛史及歐陽史皆不載太祖受禪為華州節度使加檢校太保歲

餘入為左金吾衛大將軍充街使一日過天津橋有老

人案歐陽史現悞衝其騶道者排之落橋而斃為御史府  
所彈太祖不得已責授左衛中郎將案通鑑作遊擊將  
不數月除相州防禦使案相州歐陽史作襄州依前行營諸將排  
陣使未幾授河陽節度使加檢校太傅及太祖遇弒彥



御追感舊恩圖御容以奠之每回對客言及先朝舊事  
即涕泗交流末帝嗣位遥領興元節度使東南面行營  
都招討使以拒淮寇尋改右金吾衛上將軍貞明初授  
鄧州節度使會淮人圍安陸彥卿奉詔領兵解圍大破  
淮賊而迴四年卒于鎮時年五十七詔贈侍中彥卿貞  
幹明敏善事人主然怙寵作威多忌好殺雖顯立功  
名而猶為識者之所鄙焉

永樂大典卷一萬九千三百三十

史臣曰

案原本有關文

存敬有提鼓之勞彥卿偶攀林之會

俱為藩后亦其宜哉

永樂大典卷一萬九千三百三十



程

校